

KURBANOVA IRODA MUXAMMADOVNA

DIYDOR

(SHE'RLAR)

IQTISODIYOT - 2009

Kurbanova Iroda Muxammadovna. DIYDOR. She'rlar
Toshkent, «IQTISODIYOT», 2009, 32 bet.

Mazkur to'plamdan shoira Iroda Kurbanovaning turli yillarda yozilgan she'rlari o'rin olgan bo'lib, ularda ona – yurt, do'stlik, sadoqat, asirlar osha boqiy bo'lgan sevgi va muhabbat mavzulari shoiraninig ichki kechirmalari his tuyg'ulari orqali tarannum etilgan.

Ravon, soda, ayni vaqtda chiroyli lirik tashbehlarga boy bo'lgan she'rlarni o'zida jamlagan ushba kitob, shariyat muhlislariga ma'qul va manzur bo'ladi, deb umid qilamiz.

ISBN 978-9943-333-14-5

© TOSHKENT – «IQTISODIYOT» - 2009

MUNDARIJA




VATAN MEHRI. ONA BILAN BOLA, GUL BILAN LOLA

O'zbekistonim.....	4
Yurt tinchlik taronasi.....	5
Yurakka o't yoqadi.....	6
Umrim bezagi onam.....	7
Eh, ona afsus.....	8
Farzandim, dilbandim.....	9
Yolg'iz ayollar.....	10
Kelinchak.....	11

ISHQ TIMSOLI GO'ZAL BUNCHALAR. ARMON BAG'RIDA QOLGAN HISLAR

Izlar ekan baxtini.....	13
Dildorning dildorimas.....	14
O'zinga o'zim.....	15
Shaydo o'zim.....	16
Vafodorim.....	17
Kechir gulim.....	18
Ayblama endi.....	19
Azal azal.....	20
Do'stlikmi yo sevgimi?.....	21
Yo'q sevgi.....	22
Endi-endi.....	23
Meni esla.....	24
Netay.....	25
Afsus afsus.....	26
Sinab sinab.....	27
Ma'yus ma'yus.....	28
Qilgan ekanman orzu.....	29
Do'stmi ishonchim sotgan.....	30

VATAN MEHRI



ONA BILAN BOLA, GUL BILAN LOLA

“O’zbekistonim”

Buguningdan fahrlanmayin nechun
Madhing kuylar bugun yoshlar sen uchun
Ravnaqingga xissa qo’shish shiorim
Jannatmakonimsan O’zbekistonim.

Osmon qadar yuksaldi shon-shuxrating
Bobolardan buyuk meros qudrating,
Yuzlab ulug’lar ulg’aygan xur diyor
Har sohada doim omad bo’lsin yor.

Mehringni his etdim musofir bo’lib
Yodga oldim har dam sog’inchga to’lib,
Dunyolarga alishmam tuprog’ingni
Jahon kezib bildim yurtim qadringni.

“Yurt tinchlik taronasi”

Buhoro-yu sharifning
Azal tarixi buyuk,
Necha ulug' zotlarning
Vatani erur bu yurt.

Zarafshon tillo koni,
Navoiydur makoni
Ko'kragi yerga tegmas
Qashqadaryo polvoni.

Azal tarixga ega
Ko'xna Xiva minori.
Samarqandning faxridur
So'lim Bog'i Chinori.

O'tmish fahri Registon
Shohizinda bir jahon
Qadim fanning rivoji
Samarqand yurt gultoji.

Mehmonlarni hush kutar
O'zbekim Farg'onasi.
Yarashur har janonga
Marg'ilon xon atlas.

Xivaning gilamlari
Dilingga hush yoqadi,
Xorazm lazgisi-ye
Yurakka o't yoqadi.

Gullar shahri Namangan
Derlar shirin olmasi,
Tilingizga hush yoqar
Qand-u novvot xolvasi.

Afsunli shirin zabon
Yurtim ichra Andijon,
Mehmondo'st ona xalqim
Yashnasin O'zbekiston.

Dunyoning ko'rkin bezar
O'zbek ipak tolasi,
Barqaror bo'lsin do'stlar
Yurt tinchlik taronasi.

“Umrim bezagi onam”

Hayotning ummonida, onam menga qirg'oqsiz
Mehrning chashmasidan oqib turgan buloqsiz,
Gul umrimning mash'ali yonib turgan chiroqsiz
Toki siz bor ekansiz,umrim mash'ali so'nmas
Men uchun bu dunyoda sizdek mehribon bo'lmas.

Taqdir boshingizga solsa gohida g'am,goh alam
Qismatingizdan kuyib,nolimadingiz hech ham,
Tengsiz sabr bardoshingizni o'zi biro lam
Toki siz bor ekansiz,yuragimga g'am to'lmas,
Men uchun bu dunyoda hech kim sizdek do'st bo'lmas.

Ayol boshingiz bilan ham,ota ham onasiz
Tinim bilmay qoshimda tun-u kun parvonasiz,
Otang ruhi qo'llasin deya duo qilasiz
Toki siz bor ekansiz egilmas yigit boshim
Men uchun bu dunyoda yagona siz sirdoshim.

“Eh, ona afsus”

Kimlardir umr bo'yi tirnoqqa zor
Kimdir o'z ota-onasi mehriga,
Iltijo qilib kezib tunlar bedor
Yetay deb yaqinlari diydoriga.

Tole'im kular deb umidla yashar
Ba'zida sog'inchdan ko'zlarin yoshlar,
Eshik ortida qolgan ko'zlar intizor
U ota-ona mehrin kutib yashar.
(go'yoki yolg'iz qolgan yulduzga o'xshar)

Ba'zida ayblab o'z taqdirini
Tashlab katgan bo'lsada farzandini,
Nahotki sog'inmas,qinalmas tunlar
Afsuski sarson qilar,go'dak qalbini.

Xattoki uvoli bor tashlasang tosh
Nahotki shunchalar bo'lsang bag'ritosh,
Go'daging ko'ziga termulsang bir zum
Unutarding dunyo tashvishin butkul.

Uxla bolam deya alla aytmading ona
Tashlab qo'yib sira ortga qaytmading ona,
Kelasan deb kutadi ko'zlari ma'yus
Sen esa qayg'urmaysan eh,ona afsus.

“Farzandim,dilbandim”

Qismatinga bitilgan
Yorimdan bo'ldim judo,
Ikki qirg'oq singari
Yo'limiz tushdi ayro.

Tushkunlik g'am qariga
Co'kmadim men aksincha,
Ko'zim yumib bariga
Intilay kuch boricha.

Farzandim ertam mening
Baxtlar sari eltguvchi,
O'tmishim qoldi ortda
Bu dunyodir o'tkinchi.

Baxt so'zin zamirida
Yaqinim do'stim onam,
Orzular zaminida
Hamrohim suygan bolam.

Farzandim,dilbandim
Baxtim yagonam o'zing,
Farzandim,dilbandim
Kulib tursin sho'x ko'zing.

“Yolg’iz ayollar”

Sukunat zaminida
Orzular zamirida,
Baxt izlar ishq faslida
Yolg’iz yorsiz ayollar.

Sevishganlar baxtini
Tinglab goho dardini,
Yoshlar ojiz qalbini
Yolg’iz yorsiz ayollar.

Bordir shunday ayollar
Surib shirin hayollar,
Armonga asir bo’lib
Qolgan yorsiz ayollar.

Haqli edi sevishga
Sevib baxtli bo’lishga,
Hiyonat go’shasida
Yolg’iz qolgan ayollar.

O’ylab u farzandini
Unutib bor dardini,
Kutar ezgu baxtini
Yolg’iz yorsiz ayollar.

Taqdir xazilimi bu
Bitilgan dard qismatga,
Necha necha ayollar
Mushtoq chin muhabbatga.

“Kelinchak”




Ko’kda ikki oq kabutar
Parvoz qilar bu kun visol,
Soniylar uzra shu dam
Qiz noz qilar oqqush misol.

Umid qilib go’zal baxtni
Uchratibsan muhabbatni,
Oq libosing soya solsin
Taqdiringdan baxting kulsin.

Sevgan yoring bo’lib zoring
Orzuyingga eltar bo’ldi,
Unutilmas shirin damda
Nechun ko’zing yoshga to’ldi.

Tutash yo’llar ikki dil bir
Ishq sevgiga bo’lsin hamroh,
Senga kulib boqqan taqdir
Shod kunlardan topsin panoh.

ISHQ TIMSOLI GO'ZAL BUNCHALAR



ARMON BAG'RIDA QOLGAN HISLAR

“Izlar ekan baxtini”

Chamanlar ichra g'uncha
Maftunkor gul bo'lguncha,
Iforlarga to'lguncha
Izlar ekan baxtini.

Samolarga bo'y cho'zib
Armondan umid uzib,
Noz ila ko'zin suzib
Izlar ekan baxtini.

Shamol tebratib asta
Mast dillar nogoh xasta,
G'unchalar bo'lib dasta
Izlar ekan baxtini.

Bulbullar asirda
Qalb umid zaminida,
Baxt so'zin zamirida
Gul izlaydi baxtini.

“Dildorning dildorimas”

Xomush bulbul honishdan
Hech tinmay zor-zor kuylar,
Aytishicha g'unchasi
Muhabbati xor aylar.

Ko'pdir men kabi yorlar
Ul yor ishqida zorlar,
Chekar ozor, yurak zor
Kuydim bo'lib intizor.

Uyat bilmay hattoki
Qo'nadi shoxdan shoxga,
O'z yori bo'la turib
Goh ma'shuq o'zga bog'ga.

Naxot dildor ikki dil
Bir yuraging asiri,
Chil-chil sinar yor ko'ngil
Xatto muhabbat qasri.

Dildorning dildorimas
Chin vafodori do'lsin,
Shaxlo ko'z humorimas
Eng avval ori bo'lsin.

“ O’zimga o’zim”

Sovchi jo’nating derdi
Go’yo beparvo edim,
Jondan sevsamda uni
Sabr qilib tur derdim.

Ota-ona amriga
Qarshi chiqib bo’larmu,
Kech qoldim bilmam endi
Baxtim qaytib kularmu?!

Ne sababdan yurmadim
Taqdir buyurgan yo’ldan.
Ex, afsus ulgurmadim
Yorim chiqdiku qo’ldan...

O’zimga o’zim qildim
Taqdirni o’yin bildim,
Baxt qushim uchib ketdi
O’zgani quchib ketdi...

“Shaydo o’zim”

Muhabbat sahnida ochilgan gulim
Iforlar taratib olding hayolim,
Muloyim kulib yor boqib gul yuzim
Oh,shirin so’zlaring shaydosi o’zim.

Kipriklar ostidan boqib ko’zlaring
Dona xol,kulguchi bor qizil yuzlaring,
Sog’inch ila nigorim kutar bu ko’zim
Oh,shirin so’zlaring shaydosi o’zim.

Gohida hayollar talpinar o’zingga
Sevishim aytgim kelar boqib ko’zingga,
Izlab izlab topganim sho’x qaro ko’zim
Dil izhorimni tingla kelgin yolg’izim.

“Vafodorim”

Gulsiz bahor bo'larmu
Daryosiz suvsiz to'larmu,
Sevgingsiz baxt kularmu
Yorim kel vafodorim.

Qalbing sari ishq zorim
Eltar qo'ldagi torim,
Betakror beg'uborim
Yorim bo'l vafodorim.

Nafosatli nozligim
Aqlim olding dildorim,
Sho'x erka gul yuzligim
Yorim bo'l vafodorim.

Baxtim sening qo'lingda
Ko'zim toldi yo'lingda,
Ishqim bo'lsa ko'nglingda
Yorim kel vafodorim.

Vafodor vafodorim
Noz qilma kel dildorim,
Ilk bor qalbim qasrida
Sevgimsan dilda borim.

“Kechir gulim”

Bir tan-u bir jon bo'lib	Kechir gulim,kechir kechir
Qo'ydik bir yostiqqa bosh,	Baxtli qila olmadim,
Kutilgan baxt ortidan	Sen yongan ishq o'ti ichra
Yorim qalbing to'kar yosh.	Bir zum men ham yonmadim.

Onam amrin bajarib
Go'zal seni yor etdim,
Majburan ishq qasrida
Pok qalbingni zor etdim.

Tutashdi taqdirimiz
Lek bir emas dilimiz,
Ishonib kutgan baxting
Armon oldida ojiz.

Tunlar bedor uxlamay
Yo'lim uzra intizor,
Boqqaningni sezmadim
O'zgaga bo'lib xushdor.

Balki qadring sezmadim
O'zgalar quchog'ida,
Nozik qushcham sevgingni
His qilmadim gohida.

Qismat uzra armonni
Ko'rding men dilozordan,
Men berolmagan baxtni
Toparsan o'zga yordan.

“Ayblama endi”

Sevdim sevmadi
Ketdim kelmadi,
Kuyib yondim lek
Dardim bilmadi.

Yorim sho'xmidi
Qadrim yo'qmidi,
Go'yo tanho u
Ko'ngli to'qmidi.

Kulib jon oldi
Yor o'tga soldi,
Bedor bu ko'zdan
Uyqu yo'qoldi.

Asli bevafo
Go'yo beparvo,
Ozorem sevgi
Dardim bedavo.

Aybimmi meni
Sevganim seni,
Qiyinagan o'zing
Ayblama endi.

Aybdormi endi
Bechora sevgi,
Qani bu holim
Anglasang edi...

“Azal azal”

Menikisiz siz faqat
Deya ishonch bildirma,
Yoningda yor muhabbat
Sen uzoqdan qidirma.

Osmonga zaminga yo'ldosh
Oymomoga yor quyosh,
Sho'x kapalakdek dildor
Shoxdan shoxga qo'nma yor.

O'zga bog' bulbuliga
Yaproqlaring tutmagin,
Har bog'dan mehr istab
Chin muhabbat kutmagin.

Azal azal xiyonat
Hech bir dilga yoqmaydi,
Xiyonatdan kutma baxt
Sira kulib boqmaydi.

“Do’stlikmi yo sevgimi?”

Qalbim asir etolgan
Yolg’iz o’zing sevgilim.
Qancha olis bo’lmagin
Bir seni istar dilim.

Sevmasamda negadir
Yor sog’inaman har on,
Yonar o’tda yonsam ham
Unutmayman hech qachon.

Nahot do’stlik rishtasi
Sevgi sari yetaklar,
Har on birga bo’lsagu
Qalbimni sog’inch tilar.

Ko’z oldimda o’zgani
Dil izhorin kutasan,
Ba’zan ul yoringni deb
Borligim unutasan.

Ko’zlaringga boqib yor
Sevishim aytolmayman,
Sho’x kulgularing uzra
Mehring unutolmayman.

Bevafo desam seni
Bevafolik qilmasding,
Do’sting deb o’ylab meni
Sevishimni bilmasding.

“Yo’q sevgi”

Zardalar etib
Yonimdan ketib,
Baxtdan voz kechding
O’zgani sevib.

Hiyonat yomon
Bu holing ayon,
Yor topolmaysan
Menday hech qachon.

Izlab topganing
Mendan zo’rmidi,
Seni uchratgan
Ko’zim ko’rmidi.

Dillarda armon
Bu sevgi sarson,
Sevib unutish
Nahotki oson.

“Endi-endi”

Sog'inch ozori ezgan
Damlarda eslamadim,
Sen meni deb kuyganda
Yor qadringni bilmadim.

Kutding qalbimdan panoh
Qayg'uga bo'lib hamroh,
Yonar o't ichra yonding
Tunlar chekib oh-u voh.

Borligingni unutdim
O'zga gul quchog'ida,
Bormi senday vafodor
Farishta ishq bog'ida?!

Har kimdan ustun bilding
Lek hisobga olmadim,
Afsus qadring kech bildim
Yoningda qololmadim.

“Meni esla”

Shamollar goh senga sirli so'z aytar
Sog'inchim yetkazolmay ortga qaytar,
Seni sog'inaman olisdan qarab
Kulib ulgurmay baxtim qoldi yig'lab.

Bu jismim tark etgan bo'lsa ham seni
Bir zumga ham unutma jonim meni,
Qismatimiz oldida barcha ojiz
Sinovlardan ayblama taqdirni.

Yo'qligimga ishonmay, azob chekma
Chin ro'yonni tush deb o'ylab yosh to'kma,
Sog'inching siymosi ruhim yoningda
Shum taqdirning armon qariga cho'kma.

Xatto hayol bilan bermayin ozor
Istamasdim tunlaring bo'lsa bedor,
Istamagandim seni tark etishni
Istamagandim hayotdan ketishni.

Meni esla, yorim yolg'iz qolganda
Meni esla, sevgim yodga olganda,
O'lim bilan sevgim yakun topmasin
Armon hotira daftarin yopmasin.

“Netay”

Hayolim band etolgan gulim
Taqdir ravo ko’rmadi menga,
Oshiq jismimni azoblaydi
Faqatgina bir savol “nega”.

Jonim ikki qirg’oq singari
Ayro tushdi bu taqdir yo’lim,
Muhabbatga oshno bo’lsada
Ko’z yosh to’kar bechora ko’nglim.

Sevasanmu deya so’rasam
Nechun ma’yus boqar ko’zlaring,
Ayriliq sababin bilmadim
Yolg’onmidi aytgan so’zlaring.

Ko’zlarim ko’zingga tushganda
Qo’llarim qo’lingdan tutganda,
Oshno do’lar alamga dardim
Tashna bo’lar mehringga qalbim.

Ket yor ket desang mayli ketay
Mayli ketay bo’lib ovvora,
Seni so’rab qo’ymasa netay
Yig’lab qolgan sevgi bechora.

“Afsus afsus”

Menga atalgan tunlar
O'zgan kutar visol,
Betakror o'tgan kunlar
Sochildi hazon misol.

Qalbingga mehmon bo'lib
Kirib kelibdi bahor,
Shod kunlar senga faqat
Menga emas ekan yor.

Sevaman sizni degan
Izhoringga uchibman,
Chindan sevar yor desam
Dilozorni quchibman.

Yuraging go'yoki bir
Olislardan baxt kutar,
Mening kuygan yuragim
O'tmish alamin yutar.

Afsus afsus,yor xanuz
Zorlanar qalbimda kuz,
Beg'ubor go'zal bahor
Sen tomonda mehmon yor...

“Sinab sinab”

Sinab sinab sabrimni
Nozingdan bezor etma,
Tilab tilab baxtimni
Armonlarga yor etma.

Borligimni unutib
Qo'yasan goh gohida,
Sog'inchim aytolmayman
Orzular panohida.

Go'zal niqob ortidan
Boqasan kulib kulib,
Hayol ila qolaman
Senga uzoq termulib.

Nozik qushsan beg'ubor
Samolarga bo'y cho'zgan,
Armon bo'lmagin dildor
Ishqim rishtasin uzgan.

“Ma’yus ma’yus”

Ma’yus ko’zlarim ila senga termulsam
Vujudimni hayajon titrog’i bosar,
Qaniydi bir umr yor yoningda bo’lsam
Degan o’y hamisha hayolda kezar.

Mayli mayli sen uchun men azoblanay
Bir bor shod kuning uchun jonimni beray,
Visol tun oqshomidan yulduzlar sanab
Quvonchingni ko’rib men dildan quvonay.

Armon ayriliq ichra to’siq bo’lolmas
Tilda bo’lmasada ishq dilda bo’lsa bas,
Kerakmas osmondan oy yulduzli chiroy
Ayriliqdan voz kechib baxtga eltsang bas.

Ma’yus ma’yus ko’zlar ham
Hanuz yor afsuslar ham,
Fitoqdan baxt kutolmas
Dil seni unutilmas.

“Qilgan ekanman orzu”

Ilk bor uchrab ko'chamda
Asir etding qalbimni,
Shuncha yashab ko'chamda
Nechun ko'rmabman seni.

Otang suygan qizisan
Bir dona yolg'izisan,
Aytolaysan yor sevging
Go'yo emasman tenging.

Parvozsiz qush misoli
Sevgim yonar otashda,
Erkatoy yor visoli
Nahot qolar o'tmishda.

Baxtlar sari eltar deb
Qilgan ekanman orzu,
Ro'yo emas tush ekan
Dildagi sirli tuyg'u.

“Do’sتمي ishonchim sotgan”

Qalbim tark etsa quvonch
Qarsak chalar izimda,
Qo’limga tutib ishonch
Paymol qilar bir zumda.

Kuysam chekar oh-u voh
Tili-yu dili boshqa,
O’zin olib qochar goh
Mushkul ish tushsa boshga.

Ishondim umid berib
Do’stman der ko’ksin kerib,
Ishi tushsa qidirib
Kelar o’zi yugurib.

Soxta kulgu nigohlar
Kuygan yurakni ezar,
Haqiqiy do’st insonni
Qalbin mehrla bezar.

KURBANOVA IRODA MUXAMMADOVNA

DIYDOR

(SHE'RLAR)

TOSHKENT – «IQTISODIYOT» - 2009

Muharrir:

Tex. muharrir: J.Imomov

Musaxhih:

bosmaga ruxsat etildi 10.09.2009. Qog'oz bichimi 84x108 1/32.

Shartli bosma tabog'I 2,0. Adadi 50 nusxa.

_____ - sonli buyurtma. Toshketnt "Iqtisodiyot" 2009.

Toshkent davlat iqtisodiyot universiteti bosma honasida.

100003. Toshkent, O'zbekiston shoh ko'chasi, 49-uy.